

佛說十吉祥經

行三

三秦失譯見開元錄

如是我聞一時佛在羅閱祇耆闍崛山中與
 大比丘眾千二百五十人菩薩五千人俱尔
 時世尊與無央數百千人前後圍遶而為說
 經時大會中有一大士名離垢盖承佛威神
 即從座起偏袒右肩右膝著地叉手合掌前
 白佛言今可現有諸佛世尊如來至真等正
 覺若善男子善女人求佛道者聞其名号受
 持讀誦疾得不退轉於無上正真道佛告離
 垢盖大士善哉善哉族姓子乃能作是問多
 所利益有族姓子東方去此度一恒沙數諸
 佛世界有世界名号莊嚴其刹有佛名大光
 耀如來至真等正覺今現在說法復有族姓
 子東方度二恒沙數諸佛世界有世界名諦
 勝諸勝其刹有佛名慧明如來有世界名金
 剛其刹有佛名大雄如來有世界名淨尊住
 其刹有佛名無垢塵如來有世界名金光明

其刹有佛名上像幢十盖王如來有世界名
 大威神其刹有佛名威神自在王如來有世
 界名香熏其刹有佛名極受上願王如來有
 世界名寶嚴其刹有佛名内寶如來有世界
 名海燈明其刹有佛名大海如來有世界名
 十力燈明其刹有佛名十力現如來當知無
 垢盖若善男子善女人求佛道者恒邊沙刹
 滿中七寶持用布施如來正覺若善男子善
 女人聞此佛名受持諷誦執在心懷於大衆
 中為人廣說此之功德過前功德重欲解義
 而說偈言

如恒邊沙 諸佛世界 滿中七寶

持用布施 若有得聞 諸佛名号

信樂不忘 功德過前

若聞諸佛名 諷誦莫忘失

其人不宜疑 言我不成佛

六通無窮盡 至于無數劫

其身當金色 相好以莊嚴

磧砂大藏經

佛說十吉祥經

卍

影印宋元版

若持佛名号

過於十億佛

疾得成正覺

佛說經竟離垢盖大士諸菩薩等天龍鬼神
及世間人皆大歡喜頂受佛教

佛說十吉祥經一卷竟

行三

奉

佛俞

汝請施財刊二板所異

自身康裕家眷安寧者

咸淳元年六月日俞 汝請謹題